

اسلام کی روشنی

معارف : « دینی برہان ، حیات برہان » دور .

ییل ۱ - صائی ۱۳۰ ۷ رمضان ۱۳۳۲
۱۷ تموز ۱۳۳۰ مڈیری : حلیم ثابت
جلد ۲

تقوی

تقوی و عرف

حضرت الله بویوریور، که : « الله کوره الک ایکنز ، الک زیاده اتقالی اولانکزدردر ، [*]

ابوسعید الخدری دیور، که برکون رسول اکرم اقدمزک حضورینه بریسی کلهرک ، ای ، اللهک پیغمبری ، بکا توصیه ایت ، دیدی . اول حضرت ده : « اللهدن قوروقنی التزام ایله ، چونکه بوتون خیر بوراده طویلانیر . برده جهاد ایت ، بوده مسلمانک رهبانغیدز واللهک ذکرنی ده اونوتمه ، چونکه بوسنک ایچون نوردردر ، بویوردی .

امام سهل بن عبدالله دیردی که : یاردجی آنجاق الله ، دایلدن آنجاق رسول الله در . آزیق تقوادن ، عملده بوکا صبر ایتمکدن عبارتدر .

امام جریری دیردی ، که : الله ایله کندیمی آراستده تقوی و مراقبه حاکم اوله مین کیمسه ، کشف و مشاهده درجه سنه ایریشه من .

امام ابن عطا دیردی ، که : تقوی نک ظاهر و باطنی وارددر : ظاهری [شرعی و عرفی] حدودی محافظه ایتمکدن ، باطنی ده نیت و اخلاصدن عبارتدر . امام قشیری دیرکه : تقوانک اصلی شرکدن صاقیمقدر ؛ صوکر تقوی کناهرلدن و قبالقردن قورومق کلیر . شهباتدن صاقیمقدده اوچنجی درجه سنی ، فضولیاتدن (پکده لزومی اولیان ایشلردن) صاقیمقدده الک صوک طبقه سنی تشکیل ایلر .

اکابر اسلاف تقوانک تعریفی خصوصنده مختلف سوزلر سویله مشلردر . فقط امام قشیرینک بوتعریفی هپسنه نظراً ده شموللی ودها عملیدر . عینی زمانده دقت ایدیلیرسه کوریلورکه بوتعریفلرک هپسنی ده بر نقطه ده برلشیرلر : معروفی التزام ایدوب منکراتدن اجتناب ایتمک ..

[*] ان اکرمکم عندالله اتقاکم

اکثر ارباب اتقایه کوره تقوا ، مثبت و منفی ایکی مفهومی احتوا ایدر .
 شوحاله کوره حقیقت تقوانک فعل و ترک صورتند: تجلی ایتمی لازم ، دیمکدر .
 برمتقینک دائره فعلی ایمان بالله ایله باشلایوب ، فرضیت ، وجوب ، مسنویت ،
 نذب حکم شرعیلریله شرع شریفک سکوت ایدوب یالکز نور الهی ایله باقان
 وجدان عمومینک یعنی عرفک کیزلیدن کیزلییه حسن و یردیکی مباحلر دائره سنه
 قدر ایلروله ر . عینی زمانده برمتقینک دائره ترکی ده شرک بالله دن باشلایه رق
 حراملر ، مکروهلر داخل اولدیغی حالده مباحات دائره سنده وجدان عمومینک
 اینجه دن اینجه یه بکنه مدیکی نقطه لره قدر اوزانیر . حتی سروی اولدیغنه کوره
 ابو حفص حضرتلری بو وادیده دها ایلر و کیده رک « الثقوی فی الحلال المحض
 لا غیر » بویور مشلردر .

ذاتاً شرع شریف ، مباحات و حلال دائره سنده ساکت بولوتدیغدن بوراده کی
 حسن ، وقبح و بناءً علیه بوزاده کی فعل و ترک دوغرو دن دوغرویه عرفک
 رهبرلکی ایله تعین ایدر .

ایشته ارباب تقوا و تصوفک اک ایلر و کلنلرندن امام قشیری حضرتلری
 تقوانک تجلیاتی شویله جانلی مثاللر ایله ایضاح ایدیورلر :

حضرت ابو حنیفه بورجلوسنک دیوارنده کولکه لثمکدن حذر ایدردی .
 ابو یزید حضرتلری همدانده ایکن بوی تخمی آلدی ایدی . بوضره لرده یول
 جیقارق بظامه کیتسی لازم کلدی . فقط بظامه کلنجه آرتوب قالان بوی تخمی
 اوزرنده ایکی قارنجه بولتدیغنی کوردی ؛ متأثر اولدی . بونک اوزرینه تکرار
 قالقه رق همدانه کلدی و قارنجه لری کندی مملکتلرینه کتیردی . برکون ابو یزید
 صحرا ده یوررکن البسه نی ییقاش ایدی . فقط قور و تمق ایچون یر بوله مدی :
 اوراده کی بانجه دیواری باشقه سنک ایدی ، آنکچون اورایه آسیله مازدی .
 آغاجه آصارسه بوداقلرینی قیرمق احتمالی وار ایدی . یره یایارسه اوتلری
 اورتمش اوله جقدی ؛ حالبوکه بوده حیوانلرک حق ایدی . آنکچون آرقداشک
 مختلف یوللر کوسترمش اولسنه رغماً البسه نی کندی آرقه سنه آله رق قور و تمق
 مجبوریتده قالدی ایدی . ینه بوذات ؛ برکون جامع شریفه کیرمش ، عصاسنی

اوکنه دیکه رک نمازه باشلامش ایدی . فقط عصایانی باشند کی براختیارک یرده . دیکیلی اولان عصای اوزرینه دوشه رک آتی ده ویرمش ایدی . اختیارد ، اکیله رک عصای الیه آلدنصره نه وینه کیتمش ایدی . فقط ابو یزید اختیاری راحتسز ایتدیکنی دوشونه رک آرقه سی صره نه وینه قدر کیتدی . عصای ای دیکمه مش اولدینمندن سزی راحتسز ایتدم ؛ اکیلکم مجبوریتده قالدیکز ، دیدی وعقونی دیله دی . ارباب تھوادن عتبه الغلام ده نیان برذاتک قیش کونی باصدیقی یرده قان وتر ایچنده قالمش اولدینی کوریلدی . سینی صوره نلره دیدی که : ایسته بن بوراده ، شویرده الله کناھلی اولدم . بروقت مسافرکم نه لی سيلمسی ایچون کورنن شو دیواردن برپارچه سنی قوپاردی ایدم ، خالبوکه دھا صاحبک عفونی دیله مک قابل اولمیدی

ابراھیم بن ادھم دیردی که بر کون قدس شریفده صخرت اللھک آلتده کیجه لیوردم . کیجه نک بر قسسی کینجه کوکدن ایکی ملکک اینمکده اولدینی کوربور کی اولدم . آرالنده شویله محاوره جریان ایدیوردی : - بوراده اولان کیمدر ؟ - ابراھیم بن ادھم اوله جق ..

- یا ، او ، درجه لرندن یردرجه سی اکیسن ابراھیم ..

- عجبایچون بویله اولدی ؟

- چونکه بو بصرده اولدینی زمان بر بقالان خورما آلمدی . فقط یاکلیشلق اثری اوله رق بقالک بر خورماسی بوتک آلدینی خورمالره قاریشدی ایدی

ابراھیم دیور که هان قالقهرق بصره یه کیتدم ، او بقالی بولدم ، اولجه اولدینی کی خورما آلدیم ؛ بر خورمانی آنک خورمالری آراسنه آتمی ده اونو تادم . سوکرا دونه رک قدسه کلدیم ، صخره الله ک آلتده کیجه لیوردم . تکرار اوملک رک ایندیکنی کوربور کی اولدم . فقط بودفعه اوملک ، حضرت الله عندنده کی درجه مک تکرار آتمش اولدینی سویله یوردی

ایسته کوریلور که امام ابو خیفه نک بوروجلوسنه عاٹد آغاچ آلتده کولکه لنه می ، ابو یزیدک ایکی قارنجی غریبتدن قورتارمق ایچون

بسطامدن قالقوبده تا عمدانه قدر کیمسی ، عتیه الغلامک باشقهنه عاند دیوارک
بربارچه توپراغی ایچون ته رله مبی وعصا مسئلهسی وکهنیش صحراده چاشیر
قوروداجق یربولنه مبی هپ تقوا ایله ایضاح اولتور . ابراهیم بن ادم ک
مسئلهسی ده یویله .

فقط یوحادته لر او یله شیلردر که شرع شریف بونلر حقده سکوت ایتشدور .
بونلرک ترک و فعلی احکام شرعیه دن هیچ بری ایله اتصاف ایتمز . ایکی قارنجیه بی
غریبتدن قورتارمق ایچون بسطامدن عمدانه قدر کیمک الیه نه فرض ، نه
واجب ، نه سنتدر . خورما مسئلهسی ده یویله . صحراده اوتلر اوزورنده چاشیر
قوروتموده الیه نه حرام ، نه مکروهدر .

فقط یوتون بونکله برابر بوفعل و ترکلرک حسن و قبحلرند . شهادتیمک
لازمدر . بونلرده کزلی بر حسن و قبح بولندیغی معلومدر . فقط بو حسن و قبح
شرع بفضل طرفدن دکل ، بلکه دائماً جانی و پایداری اولان شرع مجمل طرفدن
ویریلکده در . شرع مجمل ، شرع مفصله نظر آدها حساسدر . بونلری ده آنجق
عرفا تقدیر ایدرلر و حقیقتی تقواده آنجق عرفه اتباع ایله اوله بیلیر .
— خذ العفو وأمر بالعرف واعرض عن الجاهلین —

ع . ت .

اهمیت

اخلاق و دین

— ۲ —

اهمیتك الصمیتی :

اخلاقك باشقه درلو اهمیت و فوائدندن اوزون اوزادی به بحث ایتهدن اول
اخلاقك حیات اقوامده نه قادیار مهم بر مؤثر اولدیغنی کوسته رهن « ذلك بان
الله لم يك مغيراً نعمة انعمها على قوم حتى يغبروا ما بانفسهم » آیت کریمه سنی